



L'ultim fin dl'edema s'à la squadra de Floriani metü sön le iade cuntra Niederdorf por la prüma de campionat. Le ciamp pesoch ti porta bun a la squadra, che dominëia scialdi la partida. Le prüm bun resultat purtè a ciasa fej da fundamënta por la sajun de retüda.

I pröms menüć é la squadra de cíasa che se fej prigorosa sön les trates da ciantun y sön val situaziun standard, i sógadus alc röia a rebat plö iadi de cé cuntra porta, chilò é le portier Sepl che defënn bun le spidl de porta. Bel plan é inće i ladins che impostëia val aziun y insciö röia tosc le capitan Stefan al pröm gol. Dal piz dl area de straufunga é Michi che pro la trata cuntra porta, le pal ti sciampa fora dles mans al portier y a se prejentè sot porta é Stefan che à ma plö bria da apogè la cogora te sach. Na diatenziun dla defenjiun ladina fej plö tert tramorè le publich rové adalerch, le atacant ti sciampa y röia dan porta, mo vëgn cíamò architè dan la trata. Ala mesora é Michi che siglëia la doplëta, l'indemo vëgn sorvì da na pert y la trata basa sön le pé lunch de porta fej indo balè la rëi. Dan le sciür dla fin dla prüma pert ó i ladins cíamò n iade udëi le pale te sach aversar. Alex E. vëgn sorvì cun n bel palè alt, al le defënn bun y pro la trata, che röia naota tla stangia y spo tla rëi de porta.

Le pröm temp se röia sön le resultat de 3 a 0 por La Val.

Do la palsa rōia i ladins cíamò plö determinà sön le cíamp. I sógadus fej gran druch tla pert de cíamp aversara y cun gran presciun ne rōia i aversars scialdi mai te area ladina. Sön na trata dal ciantun é Stefan che abina le palè rebatü al limit y le splundra sön le pé de porta lunch, mo cun en gran stach é le verda porta bun de desfantè le palè da na pert fora.

Ala mesora é le arbiter che desgorda le sogadù a mez cíamp dl Niederdorf por n burt fal sön Max. Le bñj amez i fej lerch ai ghesć, che pò se alzè por ruvé a contlujiun. Sön n bel inserimënt y cros de Alex rōia Michi a rebat de će cuntra le portier. Le palè rebatü sò tla stangia rōia avisa sön le pé de Max che pò condñj sënza dificolte la cogura dô la linea. La famoja "caterina" é gnüda arjunta y i sógadus aretrëia a tignì la posiziun.

Atres ocajiuns dan la fin da trames perts ne é nia da alzé fora.

Le sciür dl mandl fosch fej rové a piz i nonanta menüć de jñch. Sce an ciara zoruch al'ultima partida de Copa Provinzia d'altonn, sogada avisa cuntra le Niederdorf, à msè La Val jì a cíasa a mans ötes, porchël é le resultat dessigü na bela sodesfaziun por düta la squadra.

Cun le bun scomenciamënt dl campionat de retüda resta La Val tla pert alta de tlassamënt.

Niederdorf – La Val 0 - 4

Formaziun La Val: 1. Sepl Kantioler, 2. Elmar Valentin, 3. Egon Frenes (dal 75^ Martin Ploner), 4. Paolo Vallazza, 5. Marco Castlunger, 6. Freddy Sottara, 7. Michi Frenes, 8. Max Nagler (dal 70^ Luca Pescollderungg) , 9. Alex Elzenbaumer (dal 75^ Adrian Miribung), 10. Stefan Sottara - capitan , 11. Alexander Miribung (dal 80^ Andreas Miribung)

Goi por La Val: Stefan Sottara (al 28^), Michi Frenes (al 33^), Alex Elzenbaumer (al 40^), Max Nagler (al 74^)

Proscima partida: en domënia ai 22 de merz dales 15.00 te cïasa cuntra le Valdaora

Resultac dles atres partidas: [RESULTA C](#)

Insëra, mercui ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a cïasa la devënta por 2 a 0. Ai 7 de mà gnaral sughé le ritorno sön le cïamp dl Ritten.